

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)1

**SOALAN BERTULIS OLEH AHLI KAWASAN SUNGAI ACHEH
YB.ZULKIFLI BIN IBRAHIM**

1. Nyatakan sudahkah Jambatan Tanjong Berembang diambil alih oleh pihak JKR daripada PDC.
 - (a) Jika tiada, apakah yang menjadikan proses serahan tersebut lewat?

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

1. Jambatan Tanjong Berembang belum diambil alih oleh pihak Jabatan Kerja Raya (JKR) daripada Penang Development Corporation (PDC).
 - (a) Proses serahan tersebut lewat dan mengambil masa yang lama adalah disebabkan oleh perkara-perkara berikut:
 - (i) Perintah Kawalan Pergerakan (PKP) antara tahun 2020 hingga 2021 adalah siri kuarantin kebangsaan yang dilaksanakan oleh Kerajaan Persekutuan sebagai tindak balas terhadap pandemik COVID-19 di negara ini bermula pada 18 Mac 2020.
 - (ii) Untuk proses penyerahan projek kepada Jabatan Kerja Raya (JKR), pihak Perbadanan Pembangunan Pulau Pinang (PDC) telah mengemukakan pelan-pelan dan pengiraan reka bentuk kepada JKR Pulau Pinang pada 18 Mac 2021. Mesyuarat pra penyerahan antara PDC dengan JKR juga telah diadakan pada 30 Mac 2021.

- (iii) PDC telah mengemukakan surat niat cadangan penyerahan pada 01 April 2021 kepada JKR. Pihak JKR telah mengeluarkan surat bertarikh 06 April 2021 untuk pihak PDC menyerahkan senarai semak penyerahan jalan dan surat bertarikh 15 April 2021 telah meminta pihak PDC untuk mengemukakan *method statement* pembinaan dan dokumen penyerahan sebelum pemeriksaan tapak dapat dilaksanakan.
- (iv) Pembukaan jambatan untuk kegunaan awam juga telah dilaksanakan pada 01 Mei 2021 selepas kerja baik pulih disiapkan. Pihak PDC telah menyerahkan *method statement* pembinaan dan dokumen penyerahan kepada JKR Pulau Pinang pada 19 Julai 2021.
- (v) Mesyuarat dan lawatan pemeriksaan yang dijadualkan pada 14 hingga 17 September 2021 terpaksa ditangguhkan kerana Negeri Pulau Pinang masih dalam Pelan Pemulihan Negara (PPN) SOP Fasa 2 dan Prosedur Operasi Standard (SOP) Pejabat PDC yang masih tidak membenarkan mesyuarat secara bersemuka diadakan.
- (vi) Mesyuarat dan lawatan pemeriksaan hanya dapat diadakan pada 25 hingga 27 Oktober 2021 bersama pasukan audit JKR Pulau Pinang. Antara ulasan pemeriksaan yang perlu dilaksanakan oleh pihak PDC ialah memasang penutup lurang (sump cover). Disebabkan oleh pemasangan penutup lurang tiada dalam skop kerja asal, kerja ini telah dibuat melalui sebut harga. Peruntukan tambahan telah dimohon pada 05 Januari 2022 dan diluluskan oleh JKN pada 28 Januari 2022.
- (vii) Sebut harga untuk kerja ini telah diiklankan bermula 10 Februari 2022 dan ditutup pada 03 Mac 2022. Kelulusan sebut harga telah diperoleh daripada Jawatankuasa Sebut Harga JKN pada 21 April 2022. Kerja pemasangan penutup lurang (sump cover) dan kerja baik pulih kecacatan sedang dijalankan di tapak dan dijangka akan disiapkan pada bulan Julai 2022. Penerimaan projek oleh JKR akan dilaksanakan pada bulan Ogos 2022.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA: 5(B)(XIX)2

**SOALAN BERTULIS OLEH AHLI KAWASAN SUNGAI ACHEH
YB.ZULKIFLI BIN IBRAHIM**

2. Nyatakan sejauh manakah proses pelebaran persimpangan simpang tiga Sungai Acheh dan pelebaran jalan daripada Pekan Sungai Acheh ke Pekan Sungai Bakau.

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

2. Pelebaran Persimpangan Simpang Tiga Sungai Acheh

Pada tahun 2021, Jabatan Kerja Raya (JKR) telah menghantar permohonan peruntukan pembangunan bagi tahun 2022 untuk tujuan pelantikan perunding reka bentuk persimpangan Pekan Sungai Acheh tersebut. Walau bagaimanapun, peruhukan tersebut tidak diluluskan.

Pada tahun 2022, JKR sekali lagi telah menghantar permohonan peruntukan pembangunan bagi tahun 2023 untuk tujuan pelantikan perunding reka bentuk persimpangan Pekan Sungai Acheh tersebut. Permohonan ini telah disemak oleh Bahagian Perancang Ekonomi Negeri (BPEN) dan akan diangkat ke Mesyuarat Bajet yang akan datang. Sekiranya diluluskan, pihak JKR akan melantik perunding bagi penyediaan reka bentuk persimpangan tersebut.

Pelebaran Jalan daripada Pekan Sungai Acheh ke Pekan Sungai Bakau

Jalan yang dimaksudkan adalah Jalan Sungai Udang - Sungai Bakau dengan panjang jalan 2.5 kilometer.

Kerja-kerja pelebaran jalan sepanjang jalan tersebut memerlukan peruntukan yang besar. Oleh yang demikian, JKR telah merancang untuk menaik taraf jalan tersebut secara berperingkat. Perancangan JKR tersebut adalah dengan menaik taraf longkang hingga ke tepi rizab jalan dan bahu jalan secara berfasa, seterusnya menaik taraf jalan tersebut juga secara berfasa.

Bagi tahun 2021, JKR telah menaik taraf longkang dan bahu jalan sepanjang 596 meter. Baki penaiktarafan longkang dan bahu jalan seterusnya akan dimohon dalam peruntukan pembangunan tahun berikutnya dan kerja-kerja akan dijalankan sehingga selesai. Setelah itu, kerja-kerja menaik taraf/pelebaran jalan tersebut juga akan dijalankan secara berperingkat.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)3

**SOALAN BERTULIS OLEH AHLI KAWASAN SUNGAI ACHEH
YB. ZULKIFLI BIN IBRAHIM**

3. Nyatakan status pelebaran Jalan Kampung Kuyung sehingga simpang tiga Pekan Sungai Acheh kerana jalan tersebut mengundang bahaya kepada pengguna terutamanya penunggang motosikal kerana jalannya yang sempit.

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

3. **Pelebaran Jalan Kampung Kuyung sehingga Simpang Tiga Pekan Sungai Acheh**

Jalan yang dimaksudkan adalah Jalan Kampung Kuyung Tanjung Berembang sepanjang 1.4 kilometer.

Kerja-kerja pelebaran sepanjang jalan tersebut memerlukan peruntukan yang besar. Oleh yang demikian, Jabatan Kerja Raya (JKR) Negeri Pulau Pinang telah merancang untuk menaik taraf jalan tersebut secara berperingkat. Perancangan JKR tersebut adalah dengan menaik taraf longkang hingga ke tepi rizab jalan dan bahu jalan secara berfasa, seterusnya menaik taraf jalan tersebut juga secara berfasa.

Bagi tahun 2021, JKR telah menaik taraf longkang di jalan tersebut sepanjang 126 meter. Pada tahun 2021 juga, JKR telah membaik pulih struktur jalan di jalan tersebut dengan panjang 400 meter.

Bagi fasa seterusnya iaitu menaik taraf longkang di jalan tersebut, JKR akan memohon peruntukan pembangunan tahun berikutnya sehingga selesai. Selain itu, kerja-kerja menaik taraf/pelebaran jalan tersebut juga akan dijalankan secara berperingkat.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA: 5(B)(XIX)4

**SOALAN BERTULIS OLEH AHLI KAWASAN SUNGAI ACHEH
YB.ZULKIFLI BIN IBRAHIM**

4. Nyatakan senarai syarikat kontraktor penyelenggaraan MBSP di DUN Sungai Acheh atau Parlimen Nibong Tebal melibatkan pecahan longkang dalam taman, lanskap taman mainan, pembersihan kawasan, parit monsun, penyelenggaraan lampu jalan, penyelenggaraan lampu isyarat dan penyelenggaraan jalan sejak tahun 2018 hingga kini.

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

4. Senarai syarikat kontraktor penyelenggaraan Majlis Bandaraya Seberang Perai (MBSP) di Parlimen Nibong Tebal yang melibatkan pecahan longkang dalam taman, lanskap taman permainan, pembersihan kawasan, parit monsun, penyelenggaraan lampu jalan, penyelenggaraan lampu isyarat dan penyelenggaran jalan sejak tahun 2018 hingga kini adalah seperti di **LAMPIRAN**.

**Senarai syarikat kontraktor penyelenggaraan MBSP di
Parlimen/DUN**

a) Pembersihan Kawasan

Bil	Tahun	Parlimen/DUN	Nama Syarikat
1	2018	Nibong Tebal	Soffah Enterprise
2	2020-2021	Jawi A	Mutiara Jitu Enterprise
3	2020-2021	Jawi B	Hayara Sdn Bhd
4	2020-2021	Sg. Bakap	Mutiara Jitu Enterprise
5	2020-2021	Sg. Aceh	Excel Strength Ventures Sdn Bhd

b) Penyelenggaraan lanskap taman permainan

Bil	Tahun	Parlimen/DUN	Nama Syarikat
1	2018 –	Nibong Tebal	Shahniz Enterprise
2	2020 –	Nibong Tebal	Dilaksana oleh MBSP
3	2022 -	Nibong Tebal	Sejabat Raya Venture

c) Penyelenggaraan parit monsun

Bil	Tahun	Parlimen/DUN	Nama Syarikat
1	2018- 2020	Nibong Tebal	Westcon Enterprise
2	2021- 2022	Nibong Tebal	KTAS Resources Sdn.Bhd

d) Penyelenggaraan jalan

Bil	Tahun	Parlimen/DUN	Nama Syarikat
1	2017- 2019	Jawi Sg. Aceh	Esteem Agency Sdn. Bhd
2	2019- 2024	Jawi Sg. A c he h	Generasi Kedua FST Sdn. Bhd.
3	2022- 2024	Jawi Sg. Aceh	Zill Legacy Sdn. Bhd.
4	2017- 2019	Sg. Bakap	Edunexus Sdn. Bhd.
5	2019-	Sg. Bakap	Pesaka Insan (M) Sdn.

e) Penyelenggaraan longkang dalam taman

Bil	Tahun	Parlimen/DUN	Nama Syarikat
1	2017-2019	Nibong Tebal	Yoges & Ravind Enterprise
2	2019-2023	Nibong Tebal	Hock Leong Engineering Sdn. Bhd.

f) Penyelenggaraan lampu jalan

Bil	Tahun	Parlimen/DUN	Nama Syarikat
1	2017-2019	Jawi Sg. Bakap Sg. Acheh	Arus Prospektif Sdn. Bhd.
2	2019-2022	Jawi Sg. Bakap Sg. Acheh	Jaya Cemara Ventures
3	2022-2024	Jawi Sg.Bakap Sg. Acheh	Kursk Electric Sdn. Bhd.

g) Penyelenggaraan lampu isyarat

Bil	Tahun	Parlimen/DUN	Nama Syarikat
1	2019-2019	Jawi Sg. Bakap Sg. Acheh	Cemara Binajaya (M) Sdn. Bhd.
2	2019-2021	Jawi Sg.Bakap Sg.Acheh	Kejuruteraan Jaya Kukuh
3	2022-2024	Jawi Sg. Bakap Sg. Acheh	Maba Electrical Engineering

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)5

**SOALAN BERTULIS OLEH AHLI KAWASAN SUNGAI ACHEH
YB.ZULKIFLI BIN IBRAHIM**

5. Nyatakan sama ada sedar atau tidak permasalahan anjing liar di Sungai Acheh akibat daripada ternakan ikan kolam di mana tuan kolam tidak dapat mengawal pembiakan anjing liar dan ini memberi keresahan kepada penduduk bila anjing liar ini berkeliaran waktu malam mencari makanan.
 - (a) Apakah tindakan Jabatan Kesihatan MBSP menangani masalah ini?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

5. Berikutan aduan komuniti yang berulang dan tinjauan susulan oleh Majlis Bandaraya Seberang Perai (MBSP), kawasan Sungai Acheh sememangnya telah dikenalpasti sebagai salah satu *High Strays Density Zone* (HiSTRAY-Z) yang mempunyai taburan anjing liar yang tinggi. Di kawasan HiSTRAY-Z, aktiviti pemantauan dan operasi rutin di samping tindakan penguatkuasaan dijalankan dengan lebih kerap dan ketat berbanding kawasan lain.
 - (a) Tindakan Jabatan Kesihatan, MBSP dalam menangani isu melibatkan HiSTRAY-Z Sungai Acheh adalah seperti berikut:

- (i) Pengawalseliaan pelesenan (patil) anjing dengan had maksima seperimana yang diperuntukkan dalam Undang-Udang Kecil Kawalan Anjing MPSP 1982;
- (ii) Operasi tangkapan secara rutin (sekurang-kurangnya 1 bulan sekali) dan reaktif (susulan aduan komuniti);
- (iii) Pengeluaran notis serta kompaun di bawah Akta Kerajaan Tempatan 1976 (Seksyen 82) dan/atau Undang-Udang Kecil Kawalan Anjing MPSP 1982;
- (iv) Tindakan mahkamah;
- (v) Pelaksanaan kempen, program dan edaran risalah yang mempromosikan konsep *Responsible Dog Ownership* (RDO) terhadap penternak-penternak ikan Sungai Aceh; dan
- (vi) Pelaksanaan program pemandulan anjing liar secara rutin di Paun Simpanan Haiwan MBSP (secara mingguan) dan secara program berkala menerusi kerjasama dengan Universiti Malaysia Kelantan, Badan-Badan Bukan Kerajaan (NGO) dan Pengamal Veterinar Swasta.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)6

**SOALAN BERTULIS OLEH AHLI KAWASAN SUNGAI ACHEH
YB. ZULKIFLI BIN IBRAHIM**

6. Nyatakan sama ada Kerajaan Negeri telah menghantar surat rasmi kepada Kerajaan Perak bagi pelebaran jalan sepanjang Pekan Sungai Bakau hingga Permatang Keling. Selaku ADUN kawasan telah menghantar dua (2) kali surat permohonan kepada Menteri Besar Perak, mohon Kerajaan Negeri membuat permohonan sama kerana melibatkan pengurusan projek Kerajaan Perak.

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

6. Kerja-kerja melibatkan jalan di sepanjang Pekan Sungai Bakau sehingga Permatang Keling adalah di bawah tanggungjawab dan seliaan pihak Kerajaan Negeri Perak. Justeru itu, bagi perancangan pelebaran sepanjang jalan tersebut, perbincangan lanjut bersama agensi/jabatan teknikal seperti Jabatan Kerja Raya (JKR), Majlis Bandaraya Seberang Perai (MBSP) dan Pejabat Daerah dan Tanah, Daerah Seberang Perai Selatan (PDT SPS) perlu diadakan terlebih dahulu. Sehingga kini, tiada maklumat mengenai perancangan /permohonan ini di pihak agensi/jabatan teknikal tersebut. Surat permohonan rasmi akan dihantar kepada Kerajaan Negeri Perak setelah penelitian dan pertimbangan terhadap segala keperluan projek ini selesai dilaksanakan.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)7

**SOALAN BERTULIS OLEH AHLI KAWASAN SUNGAI ACHEH
YB. ZULKIFLI BIN IBRAHIM**

7. Nyatakan kadar tekanan air di kawasan SPS terutamanya di Sungai Acheh yang menghadapi masalah kritikal terutamanya di kawasan pendalaman.
- (a) Apakah rancangan segera jangka pendek untuk mengatasi masalah ini dan juga tindakan masa panjang bagi menyelesaikan masalah air di kawasan DUN Sungai Acheh?

**YB. ZAIRIL KHIR JOHARI
MENJAWAB BAGI PIHAK Y.A.B KETUA MENTERI**

7. (a) Seperti yang dinyatakan dalam siaran media bertarikh 25 Januari 2022, Perbadanan Bekalan Air Pulau Pinang (PBAPP) sedang menggunakan sumber dan melaksanakan langkah kejuruteraan bekalan air jangka pendek untuk meredakan keadaan tekanan air di Daerah Seberang Perai Selatan. Langkah-langkah ini termasuk:
- (i) Menambah baik dan mengkonfigurasikan semula rangkaian bekalan air sedia ada untuk memastikan tekanan air yang baik dan konsisten;
 - (ii) Menghubungkan "paip-paip mati" di lokasi-lokasi strategik bagi memastikan tekanan agihan air yang baik;
 - (iii) Mempergiatkan pemeriksaan untuk kebocoran, kerosakan injap atau "air lock" dalam sesalur utama dan saluran paip, dan menjalankan kerja "de-airing" jika diperlukan;
 - (iv) Membaiki (atau mengganti) semua saluran paip dan injap bocor dalam masa sesingkat mungkin;
 - (v) Pemasangan tangki air statik komuniti jika perlu; dan
 - (vi) Menghantar lori tangki air apabila perakam tekanan

PBAPP mengesan gangguan bekalan air yang melebihi 24 jam;

Isu tekanan air rendah di SPS tidak dapat diselesaikan sepenuhnya sehingga pelaksanaan program kejuruteraan bekalan air jangka panjang yang komprehensif untuk meningkatkan pengeluaran air terawat dan menaik taraf rangkaian pengagihan air sedia ada.

PBAPP mencadangkan pelaksanaan lima (5) projek berikut dalam tempoh tiga (3) hingga lima (5) tahun akan datang bagi memastikan keselamatan dan kestabilan bekalan air di seluruh Seberang Perai sehingga 2030:

- (i) Fasa 2 Naik Taraf Tangki Pemendapan Loji Rawatan Air (LRA) Sungai Dua;
- (ii) Pakej 12A, Loji Rawatan Air (LRA) Sungai Dua (Projek Modul Rawatan Air Baharu);
- (iii) Fasa 1 LRA Empangan Mengkuang;
- (iv) Fasa 1 LRA Sungai Muda; dan
- (v) Skim Bekalan Air Sungai Perai Baharu: Projek Proses Prarawatan.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)8

**SOALAN BERTULIS OLEH AHLI KAWASAN SUNGAI ACHEH
YB.ZULKIFLI BIN IBRAHIM**

8. Nyatakan berapakah jumlah yang telah dimohon oleh MPKK atau individu bagi pencahayaan lampu jalan di kawasan kampung yang dimohon melalui MBSP atau Pejabat Daerah.
 - (a) Berapakah jumlah yang telah dipasang?
 - (b) Dari manakah sumber peruntukan pemasangan tersebut diperolehi?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

8. Majlis Bandaraya Seberang Perai

Jumlah yang telah dimohon oleh MPKK atau individu bagi pencahayaan lampu jalan di kawasan kampung yang dimohon melalui Majlis Bandaraya Seberang Perai (MBSP) adalah sebanyak 370 permohonan.

- (i) Jumlah yang telah di pasang adalah sebanyak 80.
- (ii) Sumber peruntukan pemasangan tersebut diperolehi daripada Ahli Majlis dan YB ADUN kawasan.

Perincian adalah seperti di **LAMPIRAN ID448**.

Bagi permohonan melalui Pejabat Daerah, perincian adalah seperti di bawah:

Pejabat Daerah dan Tanah Daerah Barat Daya

Tiada permohonan yang diterima daripada MPKK atau individu bagi pencahayaan lampu jalan di kawasan kampung.

Pejabat Daerah dan Tanah Daerah Timur Laut

Pihak Pejabat Daerah dan Tanah Daerah Timur Laut tidak melaksanakan projek pemasangan lampu jalan di kawasan kampung memandangkan semua kerja pemasangan lampu jalan bagi keseluruhan kawasan Daerah Timur Laut diuruskan oleh Majlis Bandaraya Pulau Pinang.

Pejabat Daerah dan Tanah Seberang Perai Selatan

Bagi Daerah Seberang Perai Selatan, sebanyak 340 permohonan Lampu Jalan Kampung (LJK) telah dimohon oleh MPKK dan YB ADUN Kawasan pada tahun 2020.

- (i) Jumlah yang telah dipasang adalah sebanyak 340 buah lampu
- (ii) Sumber peruntukan pemasangan tersebut diperolehi daripada Kementerian Pembangunan Luar Bandar (KPLB)

Pejabat Daerah dan Tanah Seberang Perai Tengah

Bagi Daerah Seberang Perai Tengah, sebanyak 82 permohonan diterima daripada pihak MPKK dan individu. Perincian jumlah projek lampu jalan kampung yang dimohon melalui Pejabat Daerah dan Tanah Seberang Perai Tengah dari tahun 2019 sehingga kini adalah seperti berikut:-

BIL	TAHUN	BIL PROJEK	
		PERUNTUKAN KERAJAAN NEGERI	PERUNTUKAN KERAJAAN PERSEKUTUAN
1	2019	30	4
2	2020	12	0
3	2021	25	0
4	2022	11	0
JUMLAH		78	4

- (a) Jumlah lampu jalan yang telah dipasang adalah sebanyak 82 buah lampu. Perincian adalah seperti jadual di atas.
- (b) Sumber peruntukan untuk projek pencahayaan lampu jalan di Daerah Seberang Perai Tengah adalah melalui peruntukan Pembangunan P16 (02) YB ADUN di bawah Kerajaan Negeri dan Pejabat Pembangunan Persekutuan Pulau Pinang (ICU).

Pejabat Daerah dan Tanah Seberang Perai Utara

Bagi Daerah Seberang Perai Utara, sebanyak 131 permohonan pemasangan lampu jalan di kawasan kampung diterima daripada pihak MPKK atau individu pada tahun 2020.

- (a) Sebanyak 270 buah lampu dipasang pada tahun 2020 - 2021 mengambil kira permohonan yang masih berbaki di Kementerian Pembangunan Luar Bandar (KPLB) sejak dari tahun 2018.
- (b) Maklumat peruntukan tiada dalam rekod pentadbiran ini berikutan projek ini dilaksanakan oleh pihak Tenaga Nasional Berhad (TNB) selepas diluluskan oleh pihak KPLB.

LAMPIRAN ID 448

**SENARAI PERMOHONAN LAMPU JALAN AWAM DI KAWASAN KAMPUNG BAGI TAHUN
2018 SEHINGGA 2022 (JANUARI HINGGA APRIL 2022) BAGI KAWASAN
SEBERANG PERAI**

BIL.	TAHUN	PERMOHONAN YANG DITERIMA MELALUI MPKK ATAU INDIVIDU	PERMOHONAN YANG DILULUSKAN	JUMLAH PERMOHONAN YANG SIAP DIPASANG	SUMBER PERUNTUKAN PEMASANGAN
1.	2018	150	125	35	Ahli Majlis dan YB kawasan
2.	2019	74	62	25	Ahli Majlis dan YB kawasan
3.	2020	67	21	7	Ahli Majlis dan YB kawasan
4.	2021	66	57	13	Ahli Majlis dan YB kawasan
5.	2022 (DARI BULAN JANUARI HINGGA APRIL)	13	10	0	Ahli Majlis dan YB kawasan

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)9

**SOALAN BERTULIS OLEH AHLI KAWASAN SUNGAI ACHEH
YB.ZULKIFLI BIN IBRAHIM**

9. Adakah Kerajaan Negeri berhasrat untuk membina stadium mini di kawasan SPS seperti mana yang telah disyorkan oleh saya sebelum ini seperti Kompleks Sukan MBSP di Bertam dan di Jalan Betek?
 - (a) Jika ada, bilakah pembinaan tersebut akan dibuat dan di manakah lokasi stadium mini tersebut akan dibina?

**YB. SOON LIP CHEE
MENJAWAB BAGI PIHAK Y.A.B. KETUA MENTERI**

9. Bagi pembangunan sukan di Daerah Seberang Perai Selatan (SPS), Kerajaan Negeri melalui Perbadanan Stadium Dan Kawasan Lapang Pulau Pinang (PSDKLPP) adalah dalam peringkat perancangan Sports City yang akan merangkumi gelanggang hoki, pusat aquatik, *outdoor park* dan *multipurpose hall*.

Tambahan pula, Nibong Tebal Arena yang merangkumi sembilan (9) buah gelanggang badminton serta dewan serbaguna juga adalah dalam peringkat pelaksanaan kerja-kerja pembangunan sejak tahun 2021.

Manakala, Kerajaan Negeri melalui seliaan Pejabat Daerah dan Tanah Seberang Perai Selatan (PDT SPS) juga mempunyai kemudahan-kemudahan seperti padang awam, gelanggang futsal, gelanggang tenis dan gimnasium yang terletak di depan pejabat PDT SPS.

Selain itu, fasiliti sukan seperti gelanggang sepak takraw, gelanggang badminton, gelanggang bola keranjang dan gelanggang bola jaring

juga terdapat di Kompleks Sukan Rakan Muda Jawi di bawah seliaan Jabatan Belia dan Sukan (JBS) Negeri Pulau Pinang.

Untuk makluman, Pejabat MMK Belia dan Sukan Negeri Pulau Pinang melalui PDT SPS sebagai agensi pelaksanaan telah menjalankan sebanyak empat (4) projek pembinaan gelanggang sukan baru berdasarkan permintaan ADUN Kawasan di Daerah SPS. Ini termasukah:

- (i) Gelanggang Bola Keranjang, Taman Bukit Panchor, KADUN Jawi (Tahun 2018);
- (ii) Gelanggang Futsal, Simpang Tiga, KADUN Sungai Acheh (Tahun 2019);
- (iii) Gelanggang Futsal, Taman Merak, KADUN Bukit Tambun (Tahun 2020); dan
- (iv) Gelanggang Bola Keranjang dan Laluan Joging, Sungai Udang, KADUN Sungai Acheh (Tahun 2021).

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)10

**SOALAN BERTULIS OLEH AHLI KAWASAN SUNGAI ACHEH
YB. ZULKIFLI BIN IBRAHIM**

10. Nyatakan Jalan Persekutuan bersempadan Sungai Acheh dan Parit Buntar, laluan utama masuk ke Pulau Pinang, adakah Kerajaan Negeri bercadang mengindahkan jalan utama tersebut selain batu hiasan *Love Seberang Perai*?
 - (a) Adakah Kerajaan Negeri tidak berhasrat menambah lampu hiasan LED atau membina pintu gerbang sebagai tarikan kepada pelancong yang menggunakan jalan itu?

**YB. YEOH SOON HIN
MENJAWAB BAGI PIHAK Y.A.B. KETUA MENTERI**

10. Kerajaan Negeri melalui Majlis Bandaraya Seberang Perai (MBSP) mempunyai perancangan untuk mengindahkan semula jalan utama tersebut selain papan tanda sedia ada / *Love Seberang Perai* termasuk kerja-kerja lain yang berkaitan dan ia akan dilaksanakan secara berperingkat berdasarkan kelulusan peruntukan yang disediakan.
 - (a) Pada masa kini, Jabatan Kerja Raya dalam perancangan untuk membina sebuah pintu gerbang di mana lokasi yang dicadangkan adalah di sempadan Lebuhraya PLUS antara Kedah-Penang dan Kedah-Perak.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(B)(XIX)11

**SOALAN BERTULIS OLEH AHLI KAWASAN SUNGAI ACHEH
YB. ZULKIFLI BIN IBRAHIM**

11. Nyatakan sama ada parit tanah di belakang Taman Harapan disenaraikan dalam senarai MARRIS.
- (a) Jika tidak, bilakah parit tersebut akan dimasukkan ke dalam sistem MARRIS supaya parit akan dapat diselenggarakan secara berjadual?

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

11. Parit tanah di belakang Taman Harapan tidak disenaraikan di dalam senarai Sistem Maklumat Rekod-Rekod Jalan Raya Malaysia (MARRIS).
- (a) Parit tanah yang dimaksudkan adalah terletak di dalam Lot 739, Mukim 9 Daerah Seberang Perai Selatan (SPS) yang merupakan tanah milik individu. Menurut Majlis Bandaraya Seberang Perai (MBSP), parit tanah tersebut tidak disenaraikan di dalam Sistem MARRIS kerana ia tidak mematuhi kriteria-kriteria parit tepi jalan malahan parit tanah tersebut juga tidak diselenggara oleh pihak MBSP. Sehubungan itu, sebarang kerja-kerja penyelenggaraan parit tanah berkenaan perlu mendapatkan kebenaran daripada pemilik tanah. Pelan lokasi adalah seperti berikut di **Lampiran A**.

LOKASI PARIT TANAH DI LOT 739, MUKIM 9, DAERAH SEBERANG PERAISELATAN(SPS)

